



UDRUŽENJE GRAĐANA NEŠTO VIŠE
УДРУЖЕЊЕ ГРАЂАНА НЕШТО ВИШЕ
BOSNA I HERCEGOVINA

GODIŠNJI IZVJEŠTAJ 2023.



Sadržaj

Uvodna riječ

O nama

Kako djelujemo

Geografsko prisustvo

Projekti u 2023.

Finansijski indikatori



Aleksandar
Bundalo
IZVRŠNI
DIREKTOR

DRAGI PRIJATELJI

Veliki pozdrav,

Ova 2023. godina je bila godina završetaka i novih početaka. Posebno želim istaći da smo relizovali projekat sa The College of Saint Benedict and Saint John's University CSBSJU, kroz koji smo doveli američke studente i profesore da se upoznaju sa obrazovnim sistemom u Bosni i Hercegovini. Ovaj projekat je značajan zato što je nastavak decenijske saradnje sa CSBSJU ali i zato što je pokazao da ni problemi nastali usljed COVID pandemije nisu bili prepreka da se realizuje. Kroz projekat RISE izabrali smo novu generaciju (četvrtu) RISEra, i ušli u šestu godinu implementacije ovog projekta, koji podržava mlade preduzetnike u Bosni i Hercegovini. Projektom Mostar Prostori koji pokreću, pokazali smo, zajedno sa našim partnerima, da je građanski aktivizam vrijedan podrške i uradili smo veliki broj malih aktivnosti, koje su donijeli osmijeh na lica građana Mostara. Ove godine je završen i projekat Opšta Mobilizacija kroz koji smo dali svoj skromni doprinos ostnaku mladih.

Pošto nam je Strateški plan bio istekao, sjeli smo svi zajedno, osoblje i Skupština, da odredimo kuda idemo u narednom periodu. Odlučili smo da u narednom periodu od tri godine pokrenemo nove inicijative, kako tematski tako i geografski. Znajući koliko je važno da očuvamo našu životnu sredinu i kako lijepo ophođenje prema prirodi donosi i ličnu ali i ekonomsku dobrobit, rješili smo, po uzoru na očuvanje prirode, da damo doprinos u zaštiti kulturne baštine ovih prostora. Pošto je ova ideja bila već duže vremena u „zraku“ imali smo sreću da nam bude odobren projekat na ovu temu. Pored definisanja novih tema, u narednom periodu ćemo graditi partnerstva na regionalnom planu i zajedno sa komšijama, ali i sa onima koji su malo dalje od nas, kreiraćemo partnerstva, da rješavamo zajedničke probleme, da učimo jedni od drugih i u konačnici da damo svoj doprinos razvoju pojedinaca i zajednica.

I za kraj želio bih reći da smo pokrenuli Program stpiendiranja Sanja Đermanović Bundalo, u sjećanje na prerano preminulu koleginicu i prijateljia i izabrali prvog stipendistu.

Jedna lijepa i tužna godina je iza nas.

Budite mi veseli i čili.



Ko smo mi

Udruženje građana "NEŠTO VIŠE" je nevladina organizacija osnovana 1997. godine od strane grupe mladih ljudi iskusnih u radu sa organizacijama iz sektora civilnog društva u Bosni i Hercegovini (BiH). Izdavanjem rješenja RU-88/03 od strane Ministarstva pravde Bosne i Hercegovine, Udruženje stiče status organizacije registrovane na državnom nivou. Naši programi i projekti su realizovani u preko 70 gradova u Bosni i Hercegovini.

Naša vizija

Bosansko-hercegovačko društvo koje je moralno, odgovorno i tolerantno, podstiče kompetentnost, sigurnost i zajedništvo kroz uzajamnu brigu pojedinca i zajednice.

Naša misija

"Nešto Više" potiče pozitivne promjene u društvu pružanjem šanse pojedincima i grupama da se kroz formalno i neformalno obrazovanje, umrežavanje, rad, zajednička iskustva i pomoć drugima izgrade u kompetentne i odgovorne lidere koji vjerujući u sebe i druge gaje otvorenost i pripadnost svom društvu.

Naš moto

Učenje kroz rad.

Naši Ciljevi

- Povezivanje i razmjena iskustava građana iz BiH sa građanima iz Evrope i svijeta;
- Saradnja sa evropskim i svjetskim udruženjima i institucijama slične programske orijentacije;
- Očuvanje i razvijanje prirodnog, te kulturno-istorijskog nasljeđa;
- Zaštita životne sredine, energetska efikasnost i obnovljivi izvori energije;
- Zalaganje za razvoj poljoprivrede, sa naglaskom na organsku;
- Promoviranje i prakticiranje permakulture;
- Sveobuhvatan razvoj ruralnih područja;
- Zaštita i unapređenje mentalnog zdravlja, te osnaživanje i promoviranje zdravih životnih stilova;
- Ekonomsko osnaživanje ranjivih kategorija društva: mladih, žena, osoba sa invaliditetom, stanovnika ruralnih područja, nezaposlenih;
- Rad sa i za osobe sa invaliditetom u cilju njihove sveobuhvatne inkluzije u društvo;
- Pružanje raznih oblika pomoći ugroženim kategorijama u društvu;
- Poboljšanje socijalno ekonomskih uslova života u BiH;
- Podsticanje i razvoj preduzetništva mladih i stanovnika ruralnih područja
- Unapređenje poslovanja preduzetnika i preduzeća;
- Razbijanje predrasuda i zatvorenih sistema vrijednosti u BiH;
- Rad sa učenicima i studentima, te poboljšavanje uslova obrazovanja i studiranja;
- Podsticanje liderstva;
- Institucionalno jačanje i razvoj samog Udruženja kroz stalnu edukaciju članova i zaposlenih, primjenu savremenih metoda u radu, angažovanje kvalitetnih vanjskih saradnika i stvaranje partnerske mreže;

Council of Europe; Youth Council of Barcelona; Whalen Family Foundation (WFF), Oakland, USA; Institute for Multi-Track Diplomacy (IMTD), Washington DC, USA; Care International; Canadian Embassy in Bosnia and Herzegovina; Open Society Fund of Bosnia and Herzegovina (SOROS); Schuler Helfen Leben (SHL); Organization for Security and Cooperation in Europe (OSCE); Embassy of Switzerland in Bosnia and Herzegovina; Mercy Corps Scotland; and Dutch Development Agency (SNV), Fostering Agricultural Markets Activity (FARMA), Federal Ministry of Education and Science, European Commission; United States Agency for International Development (USAID); Center of Civic Initiatives (CCI); Swiss Agency for Development and Cooperation (SDC); Austrian Agency for Technical Cooperation (ADA), Fund of the Spanish government for achievement of Millennium Development Goals (MDG) - Environment and Climate Change (jointly implemented by UNDP, UNV, UNEP, FAO i UNESCO), Royal Norwegian Embassy to Bosnia and Herzegovina, Embassy of the United States of America in BiH, Municipality Cazin, Municipality Berkovići and Municipality Ljubinje, The Embassy of the Kingdom of the Netherlands, MDGF Youth Employability and Retention Programme - Spanish Fund for Reaching Millennium Development Goals - UNDP, UNICEF, UNFPA, IOM and UNV,; United States Department of State (Bureau of Education and Cultural Affairs, UNDP Reinforcement of Local Democracy III (LOD III), St Catherine University, Municipality of Livno, Municipality of Teslić, European Union (EU), The Embassy of the Kingdom of the Netherlands, European Fund for Balkans, Municipality of Banovići, ILO/MOR, AFD, RYKO, French Embassy.



Geografsko prisustvo

Udruženje građana „Nešto više“ ima tri službene kancelarije: Centralnu Sarajevo, Područnu kancelariju Mostar i Područnu kancelariju Istočno Novo Sarajevo.

Osoblje Udruženja radi i živi u četiri grada Bosne i Hercegovine: Sarajevu, Banja Luci, Mostaru i Istočnom Sarajevu. Mostarski ured Udruženja nalazi se na imanju Udruženja u Humilišanima, gdje su stvoreni svi potrebni uslovi za rad osoblja - renovirana je jedna zgrada na imanju tako da se u njoj nalaze kancelarije, učionice i konferencijski prostor.

U cilju osiguranja održivosti, Udruženje je osnovalo vlastito socijalno preduzeće EkoDizajn d.o.o. koja se bavi proizvodnjom organskih sadnica, uređenjem dvorišta i voćnjaka po principima permakulture i organizacijom događaja, obuka.

UG Nešto Više djeluje širom Bosne i Hercegovine, tako da smo u posljednjih 25 godina realizovali projekte u preko 80 različitih lokalnih zajednica u BiH i organizovali preko stotinu volonterskih akcija u isto toliko zajednica.

KANCELARIJE

Sarajevo
Dobrinja, Trg Sabora bosanskog
36, 71000 Sarajevo, BiH

Mostar
Humilišani bb,
88000 Mostar, BiH

Istočno Novo Sarajevo
Hilandarska 16,

TIM UG NEŠTO VIŠE

Godišnji izvještaj 2023.



Aleksandar Bundalo, Izvršni direktor, Diplomirani menadžer, Saint Johns University/College of Saint Benedict, MN, SAD
Vanja Sudar, Menadžer programa rodne ravnopravnosti i programa saradnje sa CSBSJU Diplomirani sociolog i diplomant mirovnih studija, College of Saint Benedict/Saint Johns University, MN, SAD
Adem Lisičić, Menadžer programa preduzetništva i promocije, Diplomant društvenih nauka, Odsjek filmske produkcije, Saint Johns University/College of Saint Benedict, MN, SAD
Duško Cvjetinović, Menadžer omladinskih programa i finansija, Diplomirani inženjer elektrotehnike (Tehnički fakultet Čačak, Republika Srbija),
Željka Rubinić, Projekt asistent, Agronom, Univerzitet Mostar
Muhamed Garib, Agronom, Univerzitet Mostar
Maid Maksumić, Projekt koordinatorka, Agronom, Magistar agronomije, Univerzitet Mostar
Amra Fejzić, Projekt koordinatorka, Magistar političkih nauka, Fakultet političkih nauka Univerziteta u Sarajevu.
Sonja Vuković, Finansijski administrator, Diplomirani ekonomista, Univerzitet za poslovne studije, Fakultet za primjenjenu ekonomiju, Istočno Sarajevo
Adnan Čavčić dip.ecc, Univerzitet u Sarajevu - eksterni saradnik
Andrea Rodić, Projekt asistent, Poslovno-pravni tehničar, Ekonomska škola, Banja Luka, Student druga godina, Banja Luka College, Banja Luka
Mevlida Gabeljić, projekt asistent, Srednja trgovačka Sarajevo



Naši projekti

EU4ALL

(2022.-2024.)

Opšti cilj projekta je „Promocija vrijednosti Evropske unije u Republici Srpskoj i Brčko Distriktu kroz multisektorsku saradnju“ kako bi, između ostalog, mladi stekli nova znanja o Evropskoj uniji, njenom razvoju, institucijama, nadležnosti, pravnom sistemu, politikama i aktivnostima koje sprovodi EU, te o teritoriji i njenom stanovništvu. Ovaj projekat UG “NEŠTO VIŠE” realizuje sa PRONI, vodećim partnerom. Projekat se realizuje u bliskoj saradnji sa DEU. Ovim projektom će se postići sljedeći konkretni ciljevi:

1. Informisati i obučiti predstavnike NVO, biznisa i institucija o radu Evropske unije u BiH i ponuđenim mogućnostima.
2. Podići svijest ciljne grupe o integraciji Bosne i Hercegovine u Evropsku uniju.
3. Izgraditi dijalog između svih relevantnih aktera, u Republici Srpskoj i Brčko Distriktu, kako bi se promovirali procesi evropskih integracija BiH i poboljšala komunikacija između svih relevantnih aktera o mogućnostima i sigurnosti koje nudi Evropska unija za njihovu budućnost.
4. Usvojiti i primijeniti univerzalne vrijednosti koje promovira Evropska unija kroz obuke/radionice i izgraditi interne kapacitete za učešće, partnerstvo i vođenje EU projekata.

Projekat finansira Evropska unija

Vrijednost projekta: 292.500 KM



BEAR, omladinska akademija

(2022.-2023.)

Osnovni cilj projekta je jačanje ekonomskih veza između dvije lokalne zajednice uz osnaživanje mladih za razvoj poduzetničkog duha. Partneri na ovom projektu su Općina Teslić i RAŽ Žepče. Projekat je na BEAR poduzetničkoj akademiji obučio 40 mladih ljudi iz dvije općine Teslić i Žepče. Mladi ljudi su obučeni i opremljeni vještinama koje će im omogućiti da vode vlastiti mali biznis. Osim stečenih znanja i vještina, mladi su bili mentorirani u ovom procesu. Na kraju projekta održana je konferencija na kojoj su mladi imali priliku da predstave šta su radili.

Projekat finansira US Embassy u BiH

Vrijednost projekta: 39.860 KM



Moj posao - Ekonomske mogućnosti za osobe s invaliditetom

(2020.-2023.)

Projekat se fokusira na socijalnu inkluziju i poboljšanje statusa osoba sa mentalnim poteškoćama u Bosni i Hercegovini, posebno s ciljem jačanja njihovih ekonomskih mogućnosti i mogućnosti ostvarivanja prava kao građana. U Bosni i Hercegovini, osobe sa mentalnim invaliditetom često su meta diskriminacije i predrasuda koje negativno utiču na njihov položaj na tržištu rada. Ovim pojedincima je teško naći i zadržati zaposlenje, a uz nedovoljnu podršku državnih organa skloniji su siromaštvu i socijalnoj isključenosti. Projekat ima za cilj da pomogne osobama sa mentalnim poteškoćama kroz implementaciju integrisanog paketa aktivnosti koji uključuje: proširenje pristupa zapošljavanju uz podršku, aktivnosti usmjerene na ostvarivanje prihoda i program ubrzanja za preduzeća koja zapošljavaju osobe sa invaliditetom, posredovanje u stručnom osposobljavanju i stažiranju, radionice za biznis ili zagovaračke napore pri provođenju promjena na strateškom i političkom nivou s ciljem upoznavanja javnosti sa navedenim problemima.

Projekat finansira Česká rozvojová agentura

Vrijednost projekta: 160.000 KM



Razvoj programa obuke za članove opštinskih/gradskih komisija za ravnopravnost polova u BiH

(2021.-2023.)

Opšti cilj projekta je jačanje uloge i položaja žena u političkim, socijalnim i ekonomskim procesima i podrška lokalnim partnerstvima u uspostavljanju efikasnih mehanizama za rodnu ravnopravnost u lokalnim zajednicama u BiH. Ciljna grupa su članovi/članice komisija za ravnopravnost polova u 20 JLS koji su prošli kroz tailor-made program obuke u cilju osnaživanja njihovih kapaciteta za postizanje većeg stepena rodne ravnopravnosti na lokalnom nivou. Zajednice u kojima se projekat implementira su: Bosanska Krupa, Busovača, Derventa, Coražde, Ilidža, Kalesija, Kalinovik, Jajce, Laktaši, Mostar Nevesinje, Kostajnica, Novo Sarajevo, Prijedor, Prnjavor, Šamac, Tešanj, Teslić, Tuzla i Vlasenica.

Projekat finansira Evropska unija

Vrijednost projekta: 403.250 KM



Naši projekti

Program zadržavanja mladih u BiH - „Opća mobilizacija“

(2021.-2024.)

Projekt podržava saradnju između sektora koji do sada nisu zajednički sudjelovali u rješavanju problema odlaska mladih iz BiH, odnosno omladinskih organizacija i poduzetnika, odnosno poslodavaca. Opći cilj projekta je ojačati kapacitet omladinskih OCD za učešće u reformi obrazovanja i zapošljavanja kako bi zadržali mlade u BiH. Specifični ciljevi projekta su: Uspostaviti međusektorsku mrežu stručnjaka za mlade i preduzetnika za zagovaranje u zapošljavanju i obrazovanju; Ojačati kapacitete i kompetencije mladih OCD u cilju povećanja uticaja zagovaranja na unapređenje politika, pravila i strategija u oblasti zapošljavanja i obrazovanja; Poboljšati pravni i politički okvir za mlade kroz saradnju između relevantnih udruženja poslodavaca i relevantnih institucija na svim nivoima; Povećana svijest o ulozi i značaju gubitka omladinske populacije u BiH.

Projekat finansira Evropska unija

Vrijednost projekta: 1.087.600 KM



Naši projekti

Projekat MoSTAR - Prostori koji pokreću i obnavljaju

(2021.-2024.)

Projekt ima za cilj unaprijediti sadržaje i korištenje javnih prostora u Mostaru kroz aktivno uključivanje građana/ki i potporu njihovim inicijativama koje doprinose kvaliteti građanskog, kulturnog i gospodarskog života u Gradu Mostaru. Projektom se namjerava podržati građane/ke i lokalne vlasti da učinkovito koriste nove vještine, alate i mehanizme za rješavanje prioriteta na uključiv, rodno osjetljiv, participativan i sustavan način. Projekt će izravno dodijeliti sredstva za financiranje infrastrukturnih projekata i intervencija u javnom prostoru, kao i inicijativa koje će voditi i koje su dizajnirane od strane građana/ki, a koje se odnose na zajednički javni prostor i zajedničke aktivnosti.

Nositelj projekta je People in Need (PIN), sa partnerima: Everyday Peace Indicators (EPI), Omladinski Kulturni centar Abrašević (OKC Abrašević), Agencija lokalne demokratije Mostar (LDA Mostar) i Nešto Više (NV).

Projekat finansira Government of the United Kingdom


Vrijednost projekta: 3.000.000 GBP



British Embassy
Sarajevo



UKaid
from the British people



MOSTAR
Prostori koji pokreću



Naši projekti

Pokupi smeće za više sreće

(2022.-2023.)

Cilj projekta je doprinijeti očuvanju prirodnih područja Mostarske regije i, šire, borbi protiv zagađivanja okoliša. Želimo osvijestiti mlade ljude o utjecaju prekomjerne potrošnje proizvoda za jednokratnu upotrebu i važnosti nultog otpada. Nudeći im alternative, želimo posebno osvijestiti mlade i potaknuti ih da usvoje nove navike. Kroz pokazna predavanja govorili smo o reciklaži različitih vidova otpadnog materijala iz svakodnevnog života, poput plastičnih boca, stakla, tkanine, kesa i slično gdje praktično želimo pojasniti procese reciklaže i prednosti koje se nude takvim načinom zbrinjavanja otpada.

Projekt finansira Francuska ambasada u BiH


Vrijednost projekta: 3.900KM

CLIMATE ACTION
NEŠTO VIŠE



**AMBASSADE
DE FRANCE
EN BOSNIE-
HERZÉGOVINE**

*Liberté
Égalité
Fraternité*



Partnerstvom do Posla

(2022.-2023.)

Cilj projekta je kreirati funkcionalan LPZ (Lokalno partnerstvo za zapošljavanje) u općini Banovići između lokalne uprave, službe za zapošljavanje, kompanija, obrazovnih institucija i nevladinih organizacija. Cilj LPZa je zaposliti 35 osoba nakon procesa stručnog usavršavanja, prekvalifikacija i obuka za pokretanje sopstvenih biznisa za osobe koje su nezaposlene i koje pripadaju teško zapošljivim kategorijama stanovništva. Pokrenuta su 3 nova biznisa i još 2 će biti finansirani. Obučeno je preko 60 osoba, najviše žena, za razna zanimanja a najviše za zanimanje krojačica. Projekat se realizuje u okviru „Podrška Evropske unije lokalnim partnerstvima za zapošljavanje – Faza II“ (LEP II) koji finansira Evropska unija u iznosu od 4 miliona Eura a realizuje putem Međunarodne organizacije rada (MOR/ILO) u BiH.

Projekat finansira Evropska unija i Općina Banovići

Vrijednost projekta: 332.000 KM



Naši projekti

RISE - faza II

(2022.-2025.)

Regionalni inkubator za socijalne preduzetnike RISE je projekat za motivisane, predane mlade ljude, koji su spremni da uče i da donose promjene za dobrobit Zapadnog Balkana. Cilj je podržati socijalno preduzetničke ideje koje će region učiniti boljim mjestom.

RISE Journey posebno je prilagođen program u kojem je učešće besplatno i koji će pomoći mladim da nauče, rastu i naprave promjene u svojoj okolini. Usredsređeni na saradnju, razmjenu ideja i vršnjačko učenje.

Podržavamo timove iz BiH koji razvijaju ideju ili inovativno rješenje za novi i bolji pristup obrazovanju, osnaživanju žena, kulturi, ruralnom razvoju, zdravlju ili zaposlenosti u svojoj zajednici. RISE daje podršku kroz grantove za mobilnost i razvoj poslovanja.

RISE implementira: Balkan Green Foundation, ARNO, NEŠTO VIŠE, Smart Kolektiv, IPC Tehnopolis and Yunus Social Business Balkans.

Konzorcij projekta čine: PULSE Group, RYCO, SEEYN and OFAJ DFJW

Projekat finasira AFD - Agence Française de Développement, Europska unija i RYCO..

Vrijednost projekta: 150.000 KM



This project is supported by the Agence Française de Développement, the European Union and Regional Youth Cooperation Office.



Naši projekti

Fulbright-Hays Group Projects Abroad Program - Saradnja sa College of St. Benedict i St. John's University

(2023.)

Ukupno 13 univerzitetskih profesora, nastavnika, učitelja i studenata koji podučavaju društvene nauke, jezik i kulturu, proveli su mjesec dana u BiH proučavajući naš obrazovni sistem od osnovnog do visokog obrazovanja, istoriju, kulturu i religiju.

Poseban dio programa jeste aktivno učenje lokanih jezika kroz namjenski kreiran program u skladu sa potrebama učesnika i učesnica.

Nakon sedmice provedene u Mostaru, pa još jedne u Banjoj Luci nastavili su svoje studijsko putovanje u Tuzli i Sarajevu.

Projekat finansira CSBSJU / Fulbright

Vrijednost projekta: 60.340 KM

NEŠTO VIŠE

COLLEGE OF
Saint Benedict



Saint John's
UNIVERSITY



INTERNATIONAL AND
FOREIGN LANGUAGE
EDUCATION

FULBRIGHT HAYS



COLLEGE OF
Saint Benedict  Saint John's
UNIVERSITY

Naši projekti

Organizovanje volonterskog angažmana za volontere iz EU

(2022-2023.)

Opšti cilj projekta je uspostaviti kontinuiranu saradnju sa partnerskim organizacijama u okviru European Solidarity Corps-a. Korisnici/ciljna grupa su mlade osobe, zainteresovane za rad i učenje na NV permakulturnoj farmi u Mostaru. Volontiranje se organizuje kroz Erasmus+.

Volonteri – Long-term (6 mjeseci)

Dženisa Kurtović VISA-AD, Francuska

Nawal Bensihmed, ADICE, Francuska

Short-term (1 mjesec)

Lisa Cherigui, ADICE, Francuska

Inés Djouab, ADICE, Francuska

Volonteri veći dio vremena provode na radovima koji su vezani za uzgoj biljaka na farmi, njihovoj pripremi, sadnji, održavanju i zaštiti te proučavanju njihovog rasta. Pored toga su uključeni i u druge aktivnosti i projekte koje NV realizuje. Neke od njihovih aktivnosti su i podučavanje mladih iz lokalnih škola o permakulturi, recikliranju, cirkularnoj ekonomiji i slično.

Partnerska odnosno šaljuća organizacija je: ADICE (Association pour le Développement des Initiatives Citoyennes et Européennes) iz Francuske.

Projekat finansira Evropska unija

Vrijednost projekta: 3.920 EUR



Erasmus+
Enriching lives, opening minds.

Naši projekti

Klimatski pametna zajednica

(2023.-2024.)

PGlavni cilj projekta „Klimatski pametna zajednica“ bio je podizanje svijesti i edukacija stanovnika Mostara o utjecaju klimatskih promjena na sigurnost i stabilnost pojedinca, grupe i zajednice. Tijekom 9 mjeseci trajanja projekta rađeno je na edukaciji različitih skupina, uključujući najmlađe (od V do XI razreda), novinare, aktiviste, nevladine organizacije koje se bave ekologijom i zaštitom okoliša, lokalne farmere, pčelare, te sve zainteresirane građane i građanke.

Kroz radionice prošlo je više od 200 osoba. Sa najmlađima smo radili na posebno interaktivan način, uz demonstraciju na Permakulturnom imanju UG NV, upoznavanje s konceptima poput kompostiranja, malčiranja, eko cigli i drugih. U radu sa starijom populacijom, naglasak je bio na razvijanju svijesti, a tu su aktivnosti prepoznali i mediji koji su svesrdno izvještavali o svim događanjima na Permakulturnom imanju UG NV.

U okviru projekta "Klimatski pametna zajednica", Permakulturno imanje je steklo vrlo vrijednu opremu - Meteorološku stanicu. Podaci s ove stanice su dostupni putem aplikacije koja se može preuzeti ili preko stranica UG "NEŠTO VIŠE"

Projekat finansira: Ministarstvo vanjskih poslova Kraljevine Norveške

Vrijednost projekta: 7.601 EUR



SMART Balkans
Civil Society for Shared Society
in the Western Balkans

Klimatski pametna zajednica

Norway

CPCD
Center za promociju civilnog društva

IDM
Institute for Democracy and Mediation
Institut za demokratiju i posredovanje

CRPM
Center for Research and Policy Making
...policy impact since 2004


Rad i unapređenje ljudskih prava kroz digitalizaciju

(2023.-2025.)

Projekat je usklađen sa globalnim ciljem poziva da doprinese promociji i zaštiti ljudskih prava, osnovnih sloboda, demokratije i vladavine prava u BiH, jer se fokusira na jačanje svijesti, unošenje znanja, zaštitu i promociju, edukaciju projekata koji ciljaju grupe na ostvarivanje ljudskih i radnih prava. Ovaj projekat realizuje LIR Evolucija, vodeći partner i „NEŠTO VIŠE“. Projekat će: 1. Sprovesti istraživanje i praksu zasnovano na znanju o ljudskim pravima na odabranim teritorijama; 2. Promovisati dostojanstven rad, poštovanje osnovnih principa i prava na rad, pravo na bezbjedne i zdrave uslove rada; 3. Promovisati marljivost, pristojan posao, stvaranje i ekonomsko osnaživanje; 4. Promovisati strukturisane i redovne dijaloge između državnih aktera, CSOs i preduzeća o radnim pravima u digitalnom okruženju, kako bi se promovisala dostupnost tehnologija za marginalizovane grupe. Projekat će angažovati zaposlenu marginalizovanu populaciju da ih upozna sa svojim radnim pravima i bezbjednošću i zaštitom zdravlja na radu, kako bi im omogućio dostojanstven rad, dostojanstvo, kvalitet, pravedna primanja i odgovarajuće uslove rada.

Projekat finansira Evropska unija

Vrijednost projekta: 210.657 EUR



EU PODRŠKA UNAPREĐENJU RADNIH I LJUDSKIH PRAVA KROZ DIGITALIZACIJU



Finansira
Evropska unija



EU PODRŠKA UNAPREĐENJU
RADNIH I LJUDSKIH PRAVA
KROZ DIGITALIZACIJU

EU PODRŠKA UNAPREĐENJU RADNIH I LJUDSKIH PRAVA KROZ DIGITALIZACIJU

Naši projekti

Prevenција i posljedice govora mržnje u medijima

(2023.-2024.)

Projekat ima za cilj Jačanje mira, sigurnosti, mentalnog zdravlja i jednakosti analizom govora mržnje u medijima u Bosni i Hercegovini i smanjenje njegove pojave i posljedica kroz radionice i kampanje zagovaranja. Aktivnosti su: Istraživanje i analiza utjecaja govora mržnje na mir u Bosni i Hercegovini, njegovog utjecaja na mentalno zdravlje mladih, te njegovih učinaka na sigurnost i ravnopravnost. Analiza prisutnosti komentara i sadržaja koji se mogu okarakterizirati kao govor mržnje u elektronskim medijima u Bosni i Hercegovini. Radionice o prepoznavanju govora mržnje, prevenciji i otklanjanju njegovih posljedica. Radionice za predstavnike elektroničkih medija o izradi prijedloga i pronalaženju mogućnosti za smanjenje širenja govora mržnje u javnoj medijskoj sferi. Pokretanje zagovaračke kampanje o potrebi edukacije medijskih i obrazovnih djelatnika, ali i mladih o posljedicama i načinima sprječavanja govora mržnje. Edukativne radionice za djecu školske dobi o prepoznavanju, prevenciji i razumijevanju posljedica govora mržnje

Projekat finansira: Canada Fund for Local Initiatives

Vrijednost projekta: 60.986 KM



CFLI/FCIL
Canada Fund for Local Initiatives
Fonds canadien d'initiatives locales

ANALIZA PRISUSTVA
KOMENTARA I SADRŽAJA
U ONLINE MEDIJIMA
U BOSNI I HERCEGOVINI
KOJI SE MOGU OKARAKTERISATI
KAO GOVOR MRŽNJE.



ne moraju nužno odražavati stavove Vlade Kanade
nearly reflect those of the Government of Canada




Preporuke za medije



PREVENCIJA
GOVORA MRŽNJE







**PRIHODI
&
TROŠKOVI
KROZ GODINE**



ZAUVIJEK U NAŠIM SRCIMA



**PROGRAM STIPENDIRANJA
SANJA ĐERMANOVIĆ BUNDALO**



